



( Selo da Corporación )

( Sinatura do Presidente )

Folio N.º .....

Serie A N.º 1179674



CORPORACIONES LOCALES

**8.3.1.- SOLICITUDE DO GRUPO MUNICIPAL DO B.N.G., DE COMPARCENCIA DA CONCELLEIRA DE IGUALDADE, EN RELACIÓN COAS AXUDAS A ENTIDADES LOCAIS PARA A PROMOCIÓN DA IGUALDADE.-**

Polo Grupo Municipal do BNG, solicitase a seguinte comparecencia:

"No DOG do 9 de xullo publícase o anuncio da resolución do 5 de xullo da Secretaría Xeral de Igualdade pola que se resolven as solicitudes de axudas e subvencións a entidades locais para a promoción da igualdade, convocadas pola Resolución do 4 de xaneiro de 2012 e cofinanciadas polo Fondo Social Europeo.

Estas axudas e subvencións desenvolvéronse a través dos seguintes programas:

- a) Programa de promoción da igualdade entre mulleres e homes (1ª liña) e de prevención e tratamiento integral da violencia de xénero (2ª liña).
- b).- Programa de fomento da conciliación.
- c).- Programa de apoio aos centros de información ás mulleres (CIM).

Logo de examinar a totalidade do anuncio publicado no DOG comprobamos que o Concello de Redondela non aparece como beneficiario das subvencións nos programas a) e b), por este motivo solicitamos a

Comparecencia da Concelleira de Igualdade no pleno de Xullo para que explique cais foron os motivos polos que o Concello de Redondela non aparece como beneficiario destas subvencións."

A concelleira Paris Blanco dí que se solicitaron todas as axudas e que algunas xa se concederon, atopándose outras en fase de resolución.-

Dado o avanzado da hora, e ao abeiro do artigo 87 do Real Decreto 2568/1986 de 28 de novembro polo que se aprobou o Regulamento de Organización, Funcionamento e Réxime Xurídico das Corporacións Locais, a Presidencia sinala que quedan pendentes para a vindeira sesión as comparecencias e rogos e preguntas que non foran tratados, levantando a sesión, sendo as vintetres horas e cincuenta e sete minutos da data indicada no encabezamento, de todo o que, como Secretaria, dou fe.-

Nº 16/2012

**SESIÓN EXTRAORDINARIA E URXENTE CELEBRADA POLO PLENO DO CONCELLO O DÍA  
4 OUTUBRO 2012**

**ORDE DO DIA**

**1.-CARÁCTER DE URXENCIA: NECESIDADE POSTA AO DÍA ASUNTOS PENDENTES SESIÓN PLENARIA.**

**2.-COMPARCENCIAS PENDENTES.**

**3.-ROGOS E PREGUNTAS PENDENTES.**

No Salón de Sesións da Casa do Concello de Redondela, sendo as dezaseis trinta horas do día catro de outubro de dous mil doce, baixo a Presidencia do Sr. Alcalde JAVIER BAS CORUGEIRA e a asistencia dos/as Sres./as Concelleiros/as: MIGUEL ANGEL ALVAREZ BALLESTEROS, JOSÉ ALBERTO PAZOS COUÑAGO, MARIA TERESA PARÍS BLANCO, JESUS CRESPO LÓPEZ, MARIA JOSÉ BARCIELA BARROS, HERMINDA QUELLE FERNÁNDEZ, ARTURO GONZÁLEZ BARBEIRO, CÁNDIDO VILABOA FIGUEROA, EDUARDO JOSÉ REGUERA OCAMPO, DIGNA ROSA RIVAS GÓMEZ, ANTONIO CABALEIRO MILLARES, LEONARDO CABALEIRO COUÑAGO, ANTONIO VÁZQUEZ SACO, JOSÉ GARCÍA MÍGUEZ, CECILIA

PÉREZ ORGE, XOAN CARLOS GONZÁLEZ CAMPO, e JORGE VARELA COUÑAGO, tamén asistiu o Sr. Interventor do Concello ANGEL SANTAMARIÑA RIVERA, actuando como Secretaria a Secretaria Xeral da Corporación ANA BEGOÑA MERINO GIL, constitúese o Pleno do Concello, en sesión extraordinaria e urxente, conforme á convocatoria e de acordo coa Orde do Día.

INCIDENCIAS.- Non asisten, excusando a súa ausencia, os/as concelleiros/as: ANA MARIA ALONSO ALONSO, LETICIA GÓMEZ GUISANDE e LUIS ALBERTO ORGE MÍGUEZ.-

Con carácter previo ao tratamento dos asuntos incluídos na Orde do Día, a Corporación garda un minuto de silencio en lembranza das vítimas da violencia de xénero.-

A Presidencia declara aberta a sesión, en primeira convocatoria, procedéndose a tratar os puntos da Orde do Día.-

#### 1.- CARÁCTER DA URXENCIA: NECESIDADE POSTA AO DÍA ASUNTOS PENDENTES SESIÓN PLENARIA.-

Pola Presidencia dase conta da urxencia da convocatoria da presente sesión, debido á necesidade da posta ao día dos asuntos pendentes da última sesión plenaria ordinaria celebrada o pasado 27 de setembro.

Sometido o asunto a votación, o Concello Pleno, en votación ordinaria e por unanimidade dos/as concelleiros/as presentes, sendo dezaoito votos a favor (9 do PP, 6 do PSdeG-PSOE, 2 do B.N.G. e 1 de AER), acordou a urxencia da presente sesión.-

#### 2.- COMPARCENCIAS PENDENTES.-

##### 2.1.- DO CONCELLEIRO DE CULTURA A INICIATIVA PROPIA PARA CLAREXAR DISTINTOS ASPECTOS RELACIONADOS COA CELEBRACIÓN DA QUINTA EDICIÓN DO FESTIVAL "LOLAPOP".-

JOSÉ ALBERTO PAZOS COUÑAGO, en calidade de concelleiro do Grupo Municipal Popular, solicita a súa comparecencia voluntaria na próxima sesión plenaria coa finalidade de clarear distintos aspectos relacionados coa celebración da quinta edición do festival "Lolapop".

O concelleiro Pazos Couñago di que recibiron algunas críticas en relación ao evento Lolapop que é a primeira vez que se celebra en Redondela. Sinala que aos poucos meses de chegar ao Concello, no ano 2011, lle ofreceron celebrar este festival que antes tiña lugar en Pontecaldelas e iniciaronse conversas pero naquel tempo miraron que era imposible celebralo acordando pospolas ao 2012 en función do orzamento do Concello. Di que a pretensión de axuda era ao principio moi superior á que logo se deu e non querían ter ningún compromiso ata que tiveran claro que podían facelo e que unha vez que comprobaron que tiñan fondos para afrontala. O apoiaron porque lles pareceu que era un evento de prestixe e cubría o oco baleiro do pop en Redondela. Sinala que tivo moita repercusión, para Cesantes e para a Illa de San Simón na prensa nacional, cunha afluencia dunhas mil persoas. Fai un balance xeral positivo áinda que despois escoitou que a axuda se dera a cargo doutros recortes. Tiveron en conta o retorno para a vila e outras parroquias. Refírese ao manifesto dunha plataforma criticando o tema e di que non estaban de acordo co mesmo. Di que reuníronse coa plataforma e quedaron en axiliza-lo pago das axudas aos colectivos culturais e establecer unhas bases para a súa distribución. Indica que aparte do Lolapop tamén organizaron outros eventos dos que da conta cos aforros do ano e non con cargo a ningún recorte. Sinala que só co aforro de Nadal acadaron 18.000 euros e tamén tiveron máis ingresos ao controlar máis moitas actividades. Recoñece que a produtora actuou con responsabilidade sen entrar ao trapo das graves críticas que se fixeron e indica que non os coñecía de nada nin tiñan ningunha relación con eles ou co Concello. Remata dicindo que foi un bo festival e está satisfeito de como se fixo.

O concelleiro Varela Couñago pide que se concreteen uns datos en relación á utilización do Porto de Cesantes para o evento, se tiñan permiso e que taxas foron abonadas. Tamén sobre o custe das obrigas asumidas polo Concello, como ambulancias, vallas, protección civil...etc, tamén sobre as causas de anulación e a dúbida sobre se o contrato se asinou antes de ter permiso de Portos e



( Sinatura do Presidente )

Folio N.º .....

Serie A N.º 1179675

sobre os gastos dos trámites e se pagaron os postos de ventas . Non considera de recibo que o contrato non se fixera en galego e tampouco as condicións económicas: 11.800 € a la firma y 11.100 a la semana seguinte da súa celebración. Indica que xa o 24.06 preguntaron sobre a relación do Concello co Lolapop.

A concelleira Pérez Orge pregúntase se cada vez que o concelleiro de Cultura teña unha crítica na súa xestión vai pedir unha comparecencia para xustificar o inxustificable xa que foron más de 20.000 € a unha empresa privada para facer un evento nun so día con ánimo de lucro, xa que cobraron entrada. Sinala que utilizan o feito de que non hai cartos para xustificar calquera recorte e pola contra lle regalan un montón de diñeiro e medios a unha empresa privada. Non considera que traera retorno ao Concello ou foi insignificante. Pensa que sería máis doadoo colaborar co movemento asociativo de Redondela que traballan moito e considera que na programación cultural hai outros moitos baleiros . Sinala que non se fixo ningunha actividade con respecto ao ano de Casto Sampedro tal e como aprobou o pleno. Di que a súa xestión non lle parece eficiente e que outras empresas de Redondela poderían ter tamén necesidade de que se lles axude.

O concelleiro Reguera Ocampo non entende moi ben que ante calquera crítica o concelleiro queira comparecer ante o pleno. Di que o concello de Pontecaldelas non aportaba nada ao festival, somentes o espacio para a súa celebración. Sinala que eles tamén deron axudas, pero para eventos, como por exemplo a feira medieval, que dinamizan a vila sen cobrar entradas, nun lugar más doadoo que o Porto, no que se produxeron perturbacións aos mariñeiros para o acceso aos pantaláns. Lee parte do manifesto da plataforma asinado por 22 asociacións no que se indica que se están a desfacer todos os logros conseguidos nos últimos anos. Síntese orgulloso do traballo realizado. Di que non é só o deste festival senón que hai un ninguneo de todas as asociacións por parte do concelleiro de Cultura. Pide máis respeito para as mesmas. Sorpréndelle que estiveran negociando máis de un ano para facer este festival e acadar ese resultado.

O concelleiro Pazos Couñago di que a cartelería, escenario, iluminación correu por conta da produtora e que tiñan autorizados previamente os terreos ánda que por escrito se fixo un pouco antes. Considera as cláusulas razonables en canto a anulacións...etc, como se fai neste tipo de eventos. O cambio de ubicación de Pontecaldelas foi porque ali se quedaba pequeno. Di que as críticas as asume pero non certas manifestacións públicas dalgúns concelleiros e que non son eles os primeiros que contratan a empresas privadas. Sinala que o señor Reguera gastou 36.000 euros na feria medieval para facer a competencia aos comerciantes de Redondela. Tamén refírese a eventos levados a cabo por empresas privadas, como Artistas da Rúa, Cabalgata de Reis, campamentos e obradoiros, festival de Títeres...etc e neste último caso cobran tamén polas actuacións en sala. Di que o concelleiro socialista non estivo na reunión da plataforma e non estaban de acordo coa programación que fixera él anteriormente senón que queren unhas bases para acabar coa programación privada a dedo. Fixeron exactamente o mesmo número de eventos que se facían antes a pesares de que a concelleira do BNG dixo que non fixera programación cultural así como outros eventos a maiores. Pide que se respecte a súa labor e non se digan mentiras.

## 2.2.- COMPARCENCIA CONCELLEIRA SERVIZOS SOCIAIS, ENSINO E MULLER A SOLICITUDE DE AER.-

Por parte do Grupo Municipal de A.E.R. Solicítase a comparecencia da concelleira de servizos sociais, ensino e muller, nos seguintes términos:

"Para que nos informe sobre o grado de execución dos orzamentos do seu departamento".

A concelleira París Blanco sinala que executouse, aproximadamente un 80% do presupuesto, atopándose pendente un 35% en servizos sociais e un 25% en ensino.

O concelleiro Varela Couñago felicita á concelleira por se-la presidenta do Fondo Galego de Solidariedade ao que se lle dan 2.000 euros polo Concello. Refírese a como se gasta o diñeiro nunha serie de convenios como da Asociación contra el Cáncer, Lenda, Cáritas, Xantar na Casa...etc nos que ánda non gastou nada. Sinala que lle queda o 90% do orzamento por gastar en moitas partidas E dille que aproveite que veñen as eleccións. Di que os convenios deportivos



sáiron rápido pero non así outros que van moi despacio. Sinala que non ten executados moitos gastos de carácter social a excepción dos gastos de axuda no fogar e a ludoteca. Descoñece os criterios de gastos e como se organizan os pagos. Consideran que os gastos non son obxectivos nin transparentes. Di que en ensino pasa máis ou menos o mesmo e moitas partidas están sen executar. Non sabe o modelo de funcionamento e os criterios que segue. Acúsalle de facer propaganda.

A concelleira París Blanco di que a cuota do Fondo Galego non é de agora xa que ven de moi atrás. Sinala que os convenios nominativos non se puideron aprobar ata despois de publicado o presuposto, no mes de xuño: algúns están listos e outros a piques de saír ou lles falta alguma documentación. Di que unha cousa son as previsións de gastos e outras os gastos efectivos. Teñen intención de regular as emerxencias sociais para ter uns criterios obxectivos. En canto as subvencións de comedor están facendo unhas bases subindo os topes máximos de renda para que entren máis familias atopándose praticamente listas para saír. Hai outras iniciativas importantes para a xente maior...etc. Di que as subvencións das ANPAS están pendentes e hai problemas para a xustificación das axudas. Están tratando de facer un gasto responsable e considera que chegarán ao 100 por 100 do gasto ata fin de ano.

#### 2.3.- COMARRECENCIA DEPORTES E NOVAS TECNOLOXÍAS A SOLICITUDE DE A.E.R..-

Por parte do grupo municipal de A.E.R., solicítase a comparecencia do concelleiro de deportes e novas tecnoloxías, nos seguintes términos:

"Para que nos informe sobre o grado de execución dos orzamentos do seu departamento".

O concelleiro Varela Couñago di que se publicaron unhas bases das que se enteraron polo BOP nas que se establecían uns baremos e criterios pero lles falta por saber os resultados e afectan somentes a unha parte dos orzamentos. Sinala algúns dos defectos que considera teñen as bases en canto ao prazo de xustificación, que non é compatible co calendario de competicións, falla de atención a deportes minoritarios...etc. Pide que aclare a que entidades sen ánimo de lucro foi a partida de 16.000 €. Di que a instalación deportiva más subvencionada é a piscina de Redondela e cuestionan que se pague o custe do combustible e de enerxía eléctrica. Pregunta pola comisión de servizos privatizados. Repasa o nivel de execución das distintas partidas correspondentes á deportes e Novas tecnoloxías. Considera que as bases das subvencións son mellorables e deben compartirse co resto dos grupos.

O concelleiro Crespo López di que a intervención do voceiro de AER referiuse a moitas cousas aparte do grado de execución dos orzamentos. Di que en deportes está executado o 84% do orzamento pero en novas tecnoloxías está en negativo. Acepta que deberíase consensuar as bases co resto dos grupos. Sinala que as axudas as solicitou quen quixo e di que nalgúns partidas están mal contabilizadas e tiveron que atender algúns imprevistos. Explica por que algunas partidas se atopan en negativo como por exemplo que en Novas Tecnoloxías: non estaban presupostados os gastos dos cursos de informática. Están ingresando agora e espera que estea en positivo para fin de ano.-

#### 2.4.- COMARRECENCIA DO CONCELLEIRO DE CULTURA TURISMO E PATRIMONIO A SOLICITUDE DE A.E.R.-

Por parte do grupo municipal de A.E.R. solicítase a comparecencia do concelleiro de cultura, turismo e patrimonio nos seguintes termos:

"Para que nos informe sobre o grado de execución dos orzamentos do seu departamento."

O concelleiro Pazos Couñago di que o orzamento é unha previsión e hai que respostar a moitas incidencias ao longo do ano. Está nun grao de execución do 90%.

O concelleiro Varela Couñago di que lles gustaría saber gastos de publicidades, reparto subvencións, aluguer de maquinaria, tema conservatorio, criterios. Pregunta onde está o Plan de Cultura e quéixase de que o Entroido de Verán convertírase en Carnaval de Verano. Rematando a súa intervención solicitando a dimisión do concelleiro Pazos Couñago.



( Sinatura do Presidente )

Folio N.º .....

Serie A N.º 1179676



O concelleiro Pazos Couñago di que non pode dar unha conferencia sobre contabilidade e que moitas das respuestas as tiñan que ter da súa man. Tamén di que ao longo do ano se están a pagar facturas que se corresponden a eventos ou actividades que se fixeron en anos anteriores e unha delas é a dos convenios interparroquiais. Di que teñen compromisos electorais e que se lles informou de moito e de moitas dificultades que coñecen. Di que transparencia é dar a coñecer a información pero non necesariamente con carácter previo e se teñen dúbidas sobre unha factura non teñen más que preguntar, cousa que antes non pasaba. Sinala que a oposición ten que facer o seu traballo xa que non é cousa do goberno recopilar a información e que todas as contratacóns se fan legalmente. Considera que ás veces hai que ter criterios de prudencia que non significan falta de transparencia. Coñece a normativa sobre o galego pero por precipitación no se sacou a información do Entroido en galego como debía ser, áinda que non se suspendeu xa que non daba tempo a rectificalo e viñeron máis de 20.000 persoas. Refírese tamén ás visitas á Illa de San Simón cunha previsión de 1.000 persoas e se acadaron 5.500. Tamén sacaron adiante proxectos que estaban aquí de hai anos.-

### 3.- ROGOS E PREGUNTAS PENDENTES.-

#### 3.1.- O Grupo Municipal do B.N.G., formulou a seguinte pregunta:

"Empregouse material do concello ou pagou o concello dita obra en terreos que non son de propiedade municipal?.

O concelleiro Pazos Couñago resposta que non se pagou nada polo uso do terreo como aparcadoiro.

#### 3.2.- O Grupo Municipal do PSdeG-PSOE, formulou a seguinte pregunta:

"O día 21 de xuño de 2011, a Delegada Territorial de Vigo, Lucía Molares, visitou as obras do Centro de Día de Cesantes.

Nesa visita, a Delegada da Xunta de Galicia, anunciou que as obras deberían estar rematadas no ano 2011 e que a posta en marcha do servizo asistencia, sería ao longo do 2012.

Ante a profunda crise que estamos a pasar, ante os recortes dun 15% da Lei da Dependencia e ante a necesidade de postos de traballo no noso Concello, fáolle a seguinte pregunta: Cal vai a ser a data de inicio da posta en marcha do Centro de Día de Cesantes?

O concelleiro Pazos Couñago resposta que ao longo do ano 2013, irá avanzando a obra do Centro de Día de Cesantes.

#### 3.3.- O Grupo Municipal do PSdeG-PSOE, formulou a seguinte pregunta:

"O día 1 de setembro entrou en vigor a drástica subida do IVE, aprobada polo Goberno Central do Partido Popular. Unha acción que vai afectar gravemente á débil economía doméstica de moitas familias que van a recibir o dobre castigo do paro e o dunha maior presión fiscal. Estímase que as familias españolas gastarán entre 400 e 600 euros máis ao ano. Sabendo que esta medida tamén lle vai afectar aos Concellos de todo o Estado, preguntamos:

Canto lle costará o incremento do imposto ao Concello de Redondela?. E que medidas tomarán na alteración do orzamento do ano en curso?.

O concelleiro Pazos Couñago resposta que non teñen estimación exacta do impacto do IVE. Tomarán medidas para a contención do gasto.

#### 3.4.- O Grupo Municipal do PSdeG-PSOE, formulou a seguinte pregunta:

"A Senda verde da auga, que transcorre ao longo de 23 quilómetros polos montes de nove parroquias do noso Concello, foi impulsada pola Mancomunidade de Montes de Redondela, cunha inversión de 180.000 €, dos que 140.000 € foron aportados polo programa europeo Proder II.

Ao longo do camiño existen distintas áreas de lecer dotadas con bancos, fontes, papeleiras ... onde milleiros de sendeiristas que a empregan toman un descanso.

Hai uns días o concello de Redondela mandou retirar as mencionadas papeleiras polo que queremos preguntar:

Cal foi o motivo da retirada das papeleiras e se as van a reciclar para outros lugares de esparcemento que a precisen?

O concelleiro Pazos Couñago resposta que na Senda da Auga os materiais estaban nun estado lamentable. Teñen o criterio que en determinados espazos non debe haber papeleiras xa que non hai servizo de retirada.

3.5.- Polo Grupo Municipal de A.E.R., se formularon as seguintes preguntas:

3.5.1.- O 22 de maio preguntamos por rexistro se o Concello cobra algún tipo de taxa aos bancos pola utilización do espazo público cos caixeiros automáticos e tamén ás empresas que o fan con máquinas expendedoras. A súa resposta foi mandarnos a ordenanza fiscal reguladora correspondente, cousa que podemos consultar na páxina web do Concello, por iso traemos a pregunta ao pleno:

Canto pagan por este tipo de instalacións os bancos e empresas e canto leva recadado o Concello por este concepto?

Resposta o concelleiro Pazos Couñago, que os bancos non pagan nada e se vai a tratar

3.5.2.- De quen é a titularidade da estrada que vai á praia de Cesantes ?.

A estrada de Cesantes ten parte municipal, provincial e tamén autonómica.

3.5.3.- Preguntamos por rexistro que tipo de permisos se lles concede aos bancos polas cámaras de seguridade que teñen instaladas nos espazos públicos, tamén preguntamos quen os concede. Seguimos sen resposta.

Serían tan amables de darnola agora no pleno?.

O tema das cámaras non é de competencias municipal.

3.5.4.- No Pleno do 29 de febreiro do 2012 mediante unha comparecencia con respecto aos distintos terreos que posúe ADIF en Chapela e a pasarela que cruza a vía do tren, o señor alcalde respondeu tal como di o acta:

O Alcalde di que cada vez que ten ocasión fai constar a Fomento e a ADIF as necesidades e demandas que hai en Redondela. Indica que cando recen veu a ministra a Vigo, tivo contacto con ela e co director da ADIF e lles falou desas demandas. Di que hai un compromiso de responder pronto.

No pleno do 26 de abril do 2012 tras preguntarlle ao voceiro Alberto pazos, este contestou con estas palabras segundo a acta:

O concelleiro Pazos Couñago di que hai dúbidas sobre a quen lle corresponde o mantemento. Van a proceder a realizar melloras para acadar unhas condicións mínimas de seguridade.

Hoxe, a día 26 de xullo do 2012, esperamos que teñan solucionadas esas dúbidas e poidan facilitarnos algo en concreto, pois a eficacia demóstrase con feitos e non co típico "estamos traballando niso", que xa cheira un pouco.

Non sabemos de quen é a responsabilidade do arranxo da pasarela, non sabemos se fixeron xestión algunha para a cesión dos terreos de ADIF que poidan ter un uso público para os veciños e se solicitaron a súa limpeza.

Poden aclararnos todas estas cuestiós?.

Resposta o concelleiro Pazos Couñago, na pasarela se fixeron unhas reparacións mínimas para garantir o uso por parte dos cidadáns ata que haxa unha solución final do tema. Saben que hai un proxecto para deixalo resolto.

3.5.5.- O pasado ano o festival "Arrastro rock" dispuxo por xentileza da Concellería de Cultura



(Sinalando Presidente)

Folio N.º .....

Serie A N.º 1179677

de dous servizos públicos para os asistentes, e os maios cobraron as subvencións que lles correspondían a tempo. Consideramos que o Concello debe axudar á xente de Redondela que organiza estes eventos como o Arrastro Roch, xente que o fai sen ánimo de lucro e incluso perdendo cartos. Que menos que axudar instalando uns baños públicos para garantir a hixiene.

Tendo en conta que este ano os orzamentos do Concello foron feitos por vostedes, éntranos a dúbida:

Cal é o motivo de que isto mesmo non ocorrera neste ano?

Resposta o concelleiro Pazos Couñago e pide desculpas polo retraso no pago dos maios. Considera que é complicada a ubicación do festival e complica tamén a dotación dos baños..., etc. intentan garantir unhas mínimas condicións de salubridade.

Así mesmo polo Grupo Municipal de A.E.R., formuláronse os seguintes rogos:

1.- Con motivo do plan de organización de tráfico na parroquia de Chapela, e vista a lentitude do equipo de governo, rogamos que se estableza unha data para unha xuntanza de todos os grupos políticos e asociacións onde poidan expoñerse as distintas propostas, e que isto se faga de igual xeito para o resto de parroquias que vaian ter modificacións no tráfico.

2.- Tendo o precedente do ocorrido respecto das axudas-subvencións do Departamento de Participación Cidadá, das que tivemos noticia polo BOP, tanto das bases, como dos procedementos e da constitución do tribunal; rogámoslles que, canto antes, procedan a informar aos grupos do pleno sobre as da área de Asuntos Sociais.

Cuestións como cando pensan, si pensan, proceder a convocalas, como pensan artellar as bases e/ou criterios de adxudicación, ou cal é o presupuesto destinado a esas axudas.

Ademais destas cuestións, rogámoslles tamén que se proceda a unha análise das instalacións municipais para facilitar a determinados colectivos unha sede, incluso compartida, que lles facilite oúa labor.

4.- Tendo en conta o "Regulamento dos Consellos Municipais Territoriais, Consellos Municipais Parroquiais" BOP 12 xuño 2000.

Que nos seus artigo di:

Artigo 2.- Crearase un Consello en cada Parroquia do Termo Municipal de Redondela, recibindo a denominación daquelas e sendo o seu ámbito territorial o correspondente ao histórico de cada unha delas.

Artigo 3.- De conformidade co sinalado no Artigo 1, os Consellos teñen como funcións específicas o asesoramento, orientación, instancia, petición, proposición e consulta da xestión e iniciativa do Concello, así como o xeral de colaborar con este.

A estos efectos recibirán preceptivamente informe das Comisións de Seguimento das concesións administrativas de subministro de bens e servizos e das inversións que realicen no seu ámbito territorial.

Artigo 4.- Os Consellos municipais parroquiais serán consultados con carácter preceptivo ou facultativo.

A consulta será preceptiva no referente a:

- Programación dos investimentos a realizar no seu ámbito territorial.
- Convenios de cesión ou usufruto de bens e instalacións de titularidade municipal.

Rogamos: que se cumpra estritamente con estes artigos, o cal supón consulta e información que na meirande parte dos casos afecta a temas que se tratarán nos Plenos da Corporación. Polo que suxerimos que, amais de axilizar a constitución dos Consellos Parroquiais que despois dun ano seguen sen concretarse, que se convoquen os Consellos parroquiais cada venres anterior ao Pleno correspondente e que preceptivamente se inclúa na orde do día aqueles temas que afecten á

correspondente parroquia e vaian a ser tratados no Pleno, e aquelas intervencións que teñan programadas para que cada Consello Parroquial se pronuncie ao respecto.

E, non habendo máis asuntos que tratar, a Presidencia remata a presente sesión, sendo as dezoito horas vintecinco minutos da data fixada no encabezamento, en proba de todo o que, se redacta a presente acta, da que, como Secretaria do presente acto, dou fe.-

Nº 17 / 2012

SESIÓN ORDINARIA CELEBRADA POLO PLENO DO CONCELLO O DÍA 25 OUTUBRO 2012

ORDE DO DIA

- 1.-APROBACIÓN, SE PROCEDE, DAS ACTAS DAS DÚAS ÚLTIMAS SESIÓNS.
- 2.-ACHEGA DE EXPEDIENTES ADMINISTRATIVOS DE MODIFICACIÓN DE CRÉDITO.
- 3.-PROPOSTA CESIÓN DO BEN INMOBLE "CENTRO DE SAÚDE DE CHAPELA", AO SERVIZO GALEGO DE SAÚDE.
- 4.-PROPOSTA DE MODIFICACIÓN DA REPRESENTACIÓN VECIÑAL NO CONSELLO PARROQUIAL DE CHAPELA.
- 5.-PROPOSTA ADXUDICACIÓN POSTOS NOS MERCADOS MUNICIPAIS DE CHAPELA E REDONDELA.
- 6.-APROBACIÓN INICIAL DA "ORDENANZA REGULADORA DO PREZO PÚBLICO POLA PRESTACIÓN DE ENSINANZAS ESPECIAIS E OUTRAS ACTIVIDADES EN ESTABELECIMENTOS MUNICIPAIS.
- 7.-MODIFICACIÓN DA ORDENANZA FISCAL REGULADORA DA TAXA POR TENDIDOS, TUBARIAS E GALERÍAS PARA AS CONDUCCIONES DE ENERXÍA ELÉCTRICA, AGUA, GAS OU CALQUERA OUTRO FLUÍDO INCLUÍDOS OS POSTES PARA LIÑAS, CABLES, PALOMILLAS, CAIXAS DE AMARRE, DE DISTRIBUCIÓN OU REXISTRO, TRANSFORMADORES, RAÍS, BÁSCULAS, APAROTOS PARA A VENDA AUTOMÁTICA E OUTROS ANÁLOGOS QUE SE ESTABLEZAN SOBRE VÍAS PÚBLICAS OU OUTROS TERREOS DE DOMINIO PÚBLICO MUNICIPAL OU VOEN SOBRE OS MESMOS.
- 8.-ACTIVIDADES DE CONTROL DE PLENO:
  - 8.1.-DAR CONTA RESOLUCIÓNS DA ALCALDÍA.
  - 8.2.- MOCIÓN:
    - 8.2.1.-MOCIÓN DO GRUPO MUNICIPAL DE A.E.R., S/ O TRABALLO DOS FUNCIONARIOS DE SECRETARIA E MÁIS INTERVENCIÓN, RESPECTO DA PARTICIPACIÓN DOS CONTIDOS DAS BASES DE CONTRATOS, SUBVENCIONES E OUTRAS.
    - 8.2.2.- MOCIÓN DO GRUPO MUNICIPAL DE A.E.R., S/ A ÁREA METROPOLITANA DE VIGO.
    - 8.2.3.-MOCIÓN DO GRUPO MUNICIPAL DO PSdeG-PSOE, S/ A PROPAGANDA ELECTORAL.-
    - 8.2.4.- MOCIÓN DO GRUPO MUNICIPAL DO PSdeG-PSOE, S/ O FONDO ESTATAL DE EMERXENCIAS.-
    - 8.2.5.- MOCIÓN DO GRUPO MUNICIPAL DO PSdeG-PSOE, S/ O MODELO EDUCATIVO.-
    - 8.2.6.- MOCIÓN DO GRUPO MUNICIPAL DO PSdeG-PSOE, S/ O PLAN PREPARA.-